



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Pars IX. Erga Christum Judicem omnium.

urn:nbn:de:hbz:466:1-45396

EXERCITIORUM

PARS IX.

Erga Christum Judicem
omnium.

EXERCITIUM I.

*Christus D. Judex, placandus oratione
crebra humili.*

Act. 10. 42. 1. **C**hristus constitutus est Judex vivorum, & mortuorum: cui omnes Propheta testimonium perhibent.

2. Cor. 5. 10. 2. Oportet ergo te manifestari ante tribunal ejus: ut recipias prout gessisti in corpore sive bonum sive malum.

Job. 9. 3. 3. Huc judici DEO, neque tu, neque ullus respondere poterit unum pro mille sibi ab eo obiciendis: neque ullo modo in conspectu ejus, & apud Regulam æquitatis ejus, justificandis.

4. Dicit ille quidem Homini: Stemus simul ut judicemur: narra si quid habes, ut justificeris: cæterum frustra est cum illo iudicio contendere, qui etiam justitias judicat: qui in Angelis etiam reperit pravitatem, coram quo neque

Job. 4. 18. stelle mundæ sunt: & omnes justitiæ nostræ tanquam

Is. 64. 6. pannus menstruatae.

5. Quid ergo faciet homo in peccatis conceptus, & natus, & adultus totus, inveteratusque in suâ iniquitate, in cujus vitâ neque momentum reperias innoxium.

6. Quod

6. Quod fecit Sanctus Job. Cujus illa est confessio: *DEUS* cuius ira nemo potest residere, *Job. 9. 2.*
 Et sub quo curvantur qui portant orbem: quantus ergo sum ego; ut respondeam ei, Et loquar verbis meis cum eo? qui, etiam si habuero aliquid justum, non respondebo, sed meum Judicem deprecabor. Et, si impius fuero, vae mihi est: & si justus, non levabo caput, saturatus afflictatione, & miseriâ.

7. Hoc faciendum quod fecit & David, cujusest illa oratio: *Domine ne in furore tuo arguas me, neque in irâ tuâ corripias me. Domine non intres in iudicium cum servo tuo: quia non justificabitur in conspectu tuo omnis vivens. Ps. 37. 2.*

8. Hoc factitatum à tantis Sanctis, atque factitandum esse à nobis peccatoribus, mirabitur nemo; quicumque cogitaverit, quòd horrendum sit incidere in manus Dei viventis, Et judicantis: quòd stare ante iudicem Deum, eique manifestari, ac reddere rationem omnium, singulorumque vitæ actæ momentorum, usque ad facta, usque ad dicta, usque ad cogitata otiosa, usque etiam ad omissiones bonorum, usque ad imperfectiones rectè factorum, usque ad occasionem & inspirationes bene agendorum, nec actorum, sit humanæ virtuti prorsus intolerabile: sed oporteat Divinâ vi roborari naturam infirmam, ne magnitudine fortitudinis extabescat.

9. Vultum certè judicaturi Christi usque adeo Job pertimescebat videre, ut præligeret in inferno potius demergi, neque extra illum comparere, donec judicantis furor Dei pertransiret: eamque demersionem, adeo licet horribilem, protectionem sui censeret.

10. Consuesce ergo Anima mea quotidie, imò

270 *Exerc. II. Christus D. Judex placandus muneribus.*
imò quantum fas est, assidue, deprecari judicem
tuum: & mitigare furorem vultus ejus, preci-
bus, reverentiâ, timore, humilitate, sedulitate,
obsecrationum, & obtestationum instantia ple-
nissimis.

P R A X I S.

Domine Jesu Christe, Fili Dei vivi: pone Passio-
nem, crucem, mortem tuam, inter judicium
tuum: & Animam meam nunc, & in hora mortis
meae; & mihi largiri digneris gratiam & misericor-
diam, vivis & defunctis requiem & veniam: Ec-
clesiae tuae pacem & concordiam: nobis peccatoribus
Vitam & gloriam sempiternam. Qui vivis, &
regnas, &c.

EXERCITIUM II.

Christus D. Judex placandus muneribus.

Act. 10, 42. 1. **C**hristus constitutus est **JUDEX** vivorum, &
mortuorum: cui omnes Prophetae testimo-
nium perhibent.

2. Hic cum ad judicandum sive in Vita tua,
sive in mundi totius fine advenerit, placandi sui
nullum tempus, nullum spatium, nullum mo-
dum dabit.

3. Nunc ergo dum hujus tam Vitæ, quam
Mundi tempus decurrit, placandi illius, & con-
siliium ineundum, & studium exercendum est.

Gen. 32, 20. 4. Jacob Patriarcha, occursurum sibi fratrem
Esau offensum & armatum, formidans: hoc
consilium suscepit; *Placabo illum muneribus, quae
precedunt: & postea videbo illum.* Major natu-
frater noster Christus, idemque Judex omnium,
occur-

occurret sine dubio nobis in articulo mortis, & in fine mundi, nec aliter quàm offensus & iratus, & omni eum militiâ cæli comitante. Præoccupandus est ergo, & placandus muneribus, adventus, atque occurfus ejus.

5. Non est autem parcendum, seu parcendum cum fratre isto, natu maximo, atque dignissimo: sed ad pecorum greges, etiam filii, etiam uxores, etiam dilecta omnia addenda sunt: *tabulis enim hostiis promeretur Deus, & frater non Hebr. 13. 16.* Per, eis redditur placatus, omniumque offensarum obliviscitur.

6. Idem Jacob senex, expediens filios suos repetito in Ægyptum, ubi dominabatur Vir (Joseph) parum benevolus, ut videbatur, fratribus suis, sic eos alloquutus est. *Si sic necesse est, Gen. 43. 11.* *Facite quod vultis. Sumite de optimis terræ fructibus in Vasis vestris, & deferte Viro munera: sed & fratrem vestrum minorem tollite, & ite ad Virum. DEUS autem meus omnipotens, faciat vobis eum placabilem.* Sic faciat omnis anima, sic faciat anima mea: & omnibus diebus vitæ suæ, fatagat placabilem sibi facere Dominum JESUM Christum Judicem, *venturum judicare vivos, & mortuos, & sæculum per ignem.*

7. Hæc quoque fuit prudentia Abigail Matronæ, uxoris Nabal: quæ sentiens merito offensum, & ad vindictam festinum Davidem, provocatum aspero responso stulti Viri sui: festinavit occurrere illi cum opportunis muneribus, facientissimâque oratione, & supplicatione eum placavit, atque placavit: adeo ut David ipse delectatus fuerit placatione illius valde opportunâ, dixeritque ad illam. *Benedictus Dominus Deus*

Deus

2. Reg. 25. 32. Deus Israel, qui misit te hodie in occursum meum: & benedictum eloquium tuum, & benedicta tu quæ prohibuisti me hodie ne irem ad sanguinem: & ulciscerem me manu meâ.

8. Sic & Dominus noster Jesus Christus, antequam veniat hora Judicii ejus, gaudet occurrere sibi, obsistitque furori iræ suæ, & poni murum, ac saltem sepem, ne micro ejus ad usque intereptionem desæviant in impios: Quoniam non gaudet Dominus super impiorum perditione, sed ut magis convertantur à viis suis, & vivant in misericordiâ ejus.

9. Offerenda sunt igitur Domino munera placationis: quibus ille libenter placatur, & patitur iræ suæ. Ejusmodi est Munus Cordis contriti atque humiliati; Munus Sacramentalis penitentiae, atque fructuum eâ dignorum: Munus Eleemosynarum, quibus redimuntur peccata, & extinguitur ignis vindictæ Dei, paratus in exitum: Munus etiam afflictionis externæ per jejunia, castigationes, vigiliæ. Super omnia verò ista, Munus Sacrosancti Sacrificii: Munus quoque Zeli Animarum, & extractionis earum a peccatis, & à potestate dæmonum. Munus denique condonationis injuriarum acceptarum; dilectionis inimicorum, & beneficentiæ exhibitæ, cumulataque super caput malefactorum, & male nobis affectorum.

10. Istiusmodi munera nunquam excident de manibus tuis, si cupis nec apparere in conspectu Domini, atque judicis tui, vacuus; nec obtinendæ apud judicem veniæ inopportunus; manet enim sententia Domini, *Dimittite, & dimittetur vobis: diligite inimicos vestros, benefacite*

Matt. 5. 45. mittetur vobis: diligite inimicos vestros, benefacite

his qui oderunt vos, orate pro persequentibus vos. Ut sitis filii Patris vestri, qui facit solem suum oriri super bonos & malos, & pluit super justos & injustos. Vide infra Exerc. 4. &c.

P R A X I S.

Fac nos quæsumus Domine JESU Christe, Judex vivorum & mortuorum future, judicium tuum prævenire muneribus tibi gratis: ut eorum exhibitione opportuna placatus, misericordie tuæ potiùs, in vita, & morte, patrocinii sublevemur, quam supplicii æternis deputemur. Qui vivis, &c.

EXERCITIUM III.

Christus Judex placandus Judicio nostri prævio.

1. Dominus noster JESUS Christus constitutus est à Deo, Judex vivorum, & mortuorum: cui omnes Prophetæ testimonium perhibent. Act. 10. 42.

2. Hic, ut placatus in hora judicii nostri à nobis inveniatur, imò ut etiam in nobis non inveniat quod judicet, placandus, aut potiùs præoccupandus est à nobis, nostri ipsorum dijudicatione prævia.

3. Consilium hoc & modum placandi Judicem nostrum, diserte tradidit Apostolus Domini dicens; Si nos ipsos judicaremus, non utique judicaremur. 1. Cor. 11. 31.

4. Hoc Consilio usi sunt passim Sancti cum optimo successu: Usus est Beatus Job: cujus sunt illa verba. Quis mihi tribuat, ut cognoscam, & inveniam Deum, & veniam usque ad solium ejus; ponam coram eo judicium, & os meum replebo. Job. 23. 3.

V. P. Druzb. Op. V.

incre-

inreparationibus, ut sciam verba quæ mihi respondeant. Et intelligam, quid loquatur mihi. Quibus verbis Sanctus Vir, & optat & statuit, sese judicare coram DEO in hac vitâ, ne in morte, vel post mortem judicetur à Deo: & præterea modum praximque hujus Judicii, à nobis, de nobis faciendi, suggerit: & insuper fructum, sive affectum hujus prævii judicii sui subindicat, illum ipsum; quem supra Paulus indicavit: de quo fructu idem Job alibi sic affirmat: *Judicare coram*

Job. 25. 14.

Deo: Et expecta eum: ut scilicet te absolvat, quoniam non punit, neque judicat Deus bis in

Nabum. 1. 9.

idipsum: neque consurget tribulatio duplex à Domino.

5. David quoque hunc sui judicandi modum usumque & ipse habuit, & nobis proposuit, & fructum simul commendavit. *Feci judicium,*

Pf. 118. 121.

Et justitiam Domine: non tradas me calumniantibus me: & alibi: Dixi confitebor adversum me iniquitatem meam Domino: Et tu remisisti iniquitatem peccati mei: pro hac orabit ad te omnis sanctus in

Pf. 50.

tempore opportuno. Idem facit in psalmo illo suæ pænitiæ pleno, cum sic orat. Misere mei Deus, secundum magnam misericordiam tuam, &c. Quoniam iniquitatem meam ego cognosco, Et peccatum meum contra me est semper. Tibi soli peccavi, &c.

Luc. 18. 13.

6. Similibus exemplis abundat Sacra Scriptura, potissimum in Prophetis: sed ille etiam Evangelicus publicanus, norma esse potest hujus tum judicii, tum accusationis sui coram Deo, tum obtentionis veniæ à Deo.

7. Sit ergo tibi inter familiaria, & stata, & feria exercitia, praxis hujus judicii tui ipsius, quo

Judicium

pondentibus ver-
 judicare
 vel post
 modum
 nobis fa-
 five affe-
 , illum
 de quo
 re coram
 absolvat.
 us bis in
 duplex
 ndi mo-
 roposuit
 udicium
 niantibus
 me inju-
 quitatem
 anctus in
 mo illo
 erere met
 am, &c.
 & pec-
 soli pec-
 era Scri-
 le etiam
 test hu-
 am Deo,
 tata, &
 ius, quo
 udicium

Judicium Divinum, tecum ab eo alioqui facien-
 dum, ita pravenias; ut simul etiam prapedias,
 atque aboleas. Hac vel simili methodo.
 8. Reduc 1. Teipsum ad te totum quantus
 quantus es: & adduc ad tribunal Dei veluti ju-
 dicantis, aut judicium tui apparantis, sive expe-
 rantis. 2. Produc teipsum in medium coram
 Deo, & coram Universâ militiâ Sanctorum ejus.
 Cogitatio & memoria tua, recenseat, & accu-
 set, seu objectet tibi omnia peccata tua. 4. Con-
 scientia tua veluti convicta, fateatur facta o-
 mnino esse. 5. Suffundatur pudore vultus tuus,
 & confusio cooperiat faciem tuam. 6. Decli-
 nent præ verecundiâ in terram fixi oculi, instar
 publicani. 7. Ratio præstet officium judicis, te
 ad penam promeritam damnans. 8. Timor
 sit compedum instar. 9. Dolor, & Detestatio
 veluti carnifex: cor, & voluntatem cruciabit,
 & conteret. 10. Lachrymæ, gemitus, tunsio-
 nes pectoris, genuflexiones, incurvationes, ma-
 num extensiones, ac elevationes, sint pro san-
 ctificatione. 11. Proposita efficacia, & norma satis-
 faciendi, sint loco executionis, ac emendationis,
 suo tempore, & absque dilatione præstandæ.
 12. His peractis; sententiam tuam, à te contra
 latam Deo per manus Angeli tui custodis of-
 feres. 13. Interim misericordiam, & indulgen-
 tiam ab eo postulabis. 14. Et ad eam efficacius
 obtinendam, exerces aliqua opera pia, quibus
 gratia ex Ecclesiæ thesauro adjuncta sit. 15.
 Allegabis, & aliquos titulos, ob quos tui mise-
 ricordiam, tibi que parcere Dominus debeat, &c.
 9. Poteris hoc prævium Judicium tui, sic
 quoque instituere: ut statuens te coram Judice
 Christo

Handwritten notes in the right margin, including the word "Sicki" and various numbers and symbols.

Christo Domino, in Solio iudicii residente, tantumquam Salomone Rege sapientissimo, ac iustissimo, audias ab eo enumerationem, atque etiam discussionem omnium tuorum cogitatum, delictorum, commissorum, seu operum, omissionum, imperfectionum: Tunc advertes evidenter, quia nullus pænè, aut planè actus tuus, est mundus à sorde: & quia quasi pannus menstruatus, universæ iustitiæ tuæ: ceciderunt quasi filium universæ: & iniquitates tuæ quasi venas abstulerunt te, neque stare coram iudice hominis sinunt: tunc etiam advertes, qualis te proferri debeat à iudice iustissimo sententiæ: & simul quæ te maneat pro omnibus præsumptis: Hic etiam intelliges quomodo, etsi tibi innocens videaris, revera tamen innocens non sis: quomodo etsi tibi nihil (fortè) conscius sis, in hoc tamen iustificatus non sis, quando qui te iudicavit Dominus est: cuius oculi, super solem, multo lucidiores sunt, considerantes vias hominum absconditas partes: tunc etiam oculis tuis videbis, quomodo ostendet tibi Deus Judex, quantitas habeas iniquitates & peccata: & quod ne momentum quidem vitæ tuæ immune sit à sorde: quod sicut in sacculo adnumeratas habeat Deus iniquitates, immunditiasque tuas. Hic demum circumspicies, quid te oporteat in præsentibus & vitâ facere? quàm non altum sapere, sed timere: quàm oblivisci præteritorum, & quæ retro sunt, extendi verò ad ea quæ sunt præterita quomodo oporteat te æmulari Charismata meliora: quomodo dicere, & facere oporteat illud Davidicum, *ego dixi; nunc capi*: quomodo ejusdem Davidis spiritu & conatu, vociferari

Job. 13. 23.

Pf. 16. 11.

in auribus Dei; *Peccavi Domine: peccavi Domine, & malum coram te feci: parce peccatis meis, & dimitte universa delicta mea.* Si hoc qualecunque ac imaginarium tantum iudicium Dei de te factum, coangustabit te: quid putas faciet illud verum, illud in re ipsâ peractum: sed imaginarii iudicii experientia devota, salutem, & pænitentiam operatur: illud autem reale & verum, aeternæ damnationis initium, imò & damnatione ipsâ gravius est.

10. Ergo dum tempus habemus operemur opera salutis: reducamus nobis Deum iudicem trebrò in memoriam: ponamus, nunc quidem nostrum de nobis iudicium coram ipso: nunc verò nos ipsos coram iudicio eius: aliquando ille nostrum de nobis contra nos iudicium deturumque audiat: aliquando autem nos illius de nobis iudicium exposcamus, audiamus, pertractemus. Verè enim dictum est, à Magno Gregorio. *Sapè melius scrutamur conscientiam nostram orando, quàm inquirendo.*

P R A X I S.

Peccavi Deus meus, & Pater meus: in cælum, & coram te. Peccavi tibi soli, & malum coram te feci. Peccavi contra Te Deum trinum & unum. Contra te Patrem æternum, qui me de nihilo creasti. Contra te Fili Dei, qui me sanguine tuo redemisti: & contra te Sanctiss. Spiritus, qui me in Baptismo sanctificasti. Contra te Sanctissima Trinitas, quæ mihi tuam imaginem impressisti, & tibi in me habitaculum delegisti. Peccavi Deus meus contra tuam dignitatem, ob quam infinite amandus, estimandus: appetiendusque fuisti. Peccavi contra tuam Bonitatem,

tem, quâ te impendisti ad mihi benè jugiter faciendum.
 Peccavi contra tuam Charitatem, quâ me gratis dilexisti. Peccavi contra tuam Misericordiam, quâ mihi piissime, peccatorum millies milliena millia, remisisti. Peccavi contra omnipotentiam tuam, quâ me juvando, mihi cooperaris in omnibus quæ facio. Peccavi contra Perfectiones tuas, eas conculcando, ut meam sequerer, & implerem perversam Voluntatem. Peccavi contra Te Deum meum, Patrem meum, Regem meum, conditorem, ac Dominum meum, Pastorem & Rectorem meum, Magistrum meum, Protectorem, Benefactorem, Redemptorem meum: omnium summum, ultimum Bonum meum. Peccavi contra beneficia tua, quæ mihi summo Amore contulisti. Et hoc nomine; peccavi etiam in Cælum, quod me illuminat, in terram quæ me sustinet, & alit, in cœles-tes creaturas, quæ mihi jubente Te serviunt: in Sanctos & Angelos, qui me custodiunt: in proximos meos, qui mecum communionem Naturæ atque Gratiæ habent: in Corpus, & Animam meam, quæ à te DEO meo condita, & mihi in usum donata sunt. Peccavi in ipsum lumen Rationis, atque Fidei, cui rebellis fui. Peccavi in Gratiam tuam, quam impedivi, destruxi, perdididi: in Spiritûs Sancti dona, quæ abjeci, in Virtutes, quas delevi, aut inquinavi. Et in his tribus Deo meo Soli peccavi: quia ista injuriæ, Tuæ sunt injuriæ. Neque solùm contra te peccavi, sed etiam coram te, ô Domine DEUS meus. Peccavi coram tuâ Sapientiâ, quæ me aspiciebat. Coram Charitate, quæ mihi indulgebat. Coram liberalitate, quæ me ditabat: coram ipsâ omnipotentia quæ me, ut Prima Causa, in peccaminosis operibus (non tamen in peccatis) adjuvabat: quo factum est, ut non tantum contra te; non solùm coram te, sed etiam ipsi

Te peccaverim.

ipsâ per-

contra quæ

O DEUS,

filius tuus

quod habet

mihi dedi-

millies no-

peccato a-

mitte quo-

infinita bo-

tantarum

tantâ mis-

ter quem

propter m-

pta pen-

endâ eâ,

tas eram,

Tunc, ego

cordias

E X

Christus

D O

st

mortuoru

perhibent

2. Or

tribun

de omni

quodcuq

Te

Te peccaverim, & ipsum Te in peccatis laborare fecerim. O me cecitate ipsâ magis cecum: atque ipsâ perversitate magis perversum: qui non attendi contra quem, coram quo, & per quem peccabam! O DEUS, ô Pater æterne, jam non sum dignus vocari filius tuus: non sum ipso Nomine Hominis, ipso esse, quod habeo dignus; siquidem peccavi in te, qui illud mihi dedisti. Mallem, Deus meus, mallem & malo, milles non esse, quàm te offendisse, quàm te vel unico peccato amplius offendere. Parce Domine, & dimitte quod feci: contra te, & coram te, ut elucescat infinita bonitas, & inexhausta misericordia tua, tot tantarum injuriarum millia condonando, & me à tantâ miseriâ liberando. Parce Domine servo, propter quem non pepercisti Filio. Parce ingrato, cui propter me Filius factus est gratus & gratosus. Accepta penam, & mortem, quam luit Filius pro abominandâ eâ, quam ego merueram, & in æternum luiturus eram, tam vilis, quàm nequam servus tuus. Tunc, ego te Deus meus in æternum laudabo, & misericordias tuas in æternum cantabo, &c.

EXERCITIUM IV.

Christus Judex placandus neminem judicando, censurando, condemnando.

1. Dominus noster JESUS CHRISTUS constitutus est à DEO judex vivorum, & mortuorum; cui omnes Prophetæ testimonium *Act. 10. 42.* perhibent.

2. Omnes ergo nos manifestari oportet ante tribunal Christi: ut reddamus rationem ei de omni cogitatu, & facto, & verbo otioso, quodcumque locuti fuerimus in hac vitâ: & ut

Handwritten notes in the right margin, including the word "SICKI" and other illegible characters.

280 *Exerc. IV. Christus Judex placandus neminem*
recipiat unusquisque à Christo, prout gessit
in proprio Corpore, sive bonum, sive malum.

3. Contra hoc Judicium Christi decretorium, ac finale, non est Consilium, non Sapiencia, non fortitudo, non scientia, non dignitas, non majestas, non fraus, non dolus, non fuga, non latebra, non ullum Privilegium aut substitutio, aut exceptio, aut condonatio. Sed omnis status, omnis ætas, omnis sexus, omnis conditio, omnis dignitas, magnus atque pusillus quisque, comparebit in propriâ suâ personâ: & unusquisque proprium suum onus portabit, uniuscujusque liber vitæ atque conscientiæ cum omnibus arcanis arcanissimis, in luce & Oculis Dei, & Angelorum, & Hominum & Dæmonum erit: omniumque censuram subibit, nullâ sese abscondente actionum circumstantiâ, & conditione, nullâ non subeunte æquissimam, exactissimamque ponderationem.

4. Propterea illud tempus Judicii vocatur à Prophetis, Dies Iræ, Dies calamitatis, dies miseriae. Dies amara valde, dies furoris Domini. Dies vindictæ, in quâ omnis fortis tribulabitur, & omnis sapientia devorabitur, & omnis superbia confundetur, & omnia abscondita revelabuntur.

5. His tamen omnibus ita se habentibus, reliquit piissima Bonitas atque Misericordia Dei Creaturis suis, hoc est, miseris hominibus, vias & modos, quibus non solum lenire, ac mitigare (quod satis superque multum & magnum esset) rigidissimam exactionem Judicii Divini: sive illius; quod singulariter cum singulis in Articulo mortis peragit Christus: sive illius; quod un-

S
o p
T
A

ju
verfali
lis, in
Deus H
atque
aditum
6.
quod M
Dei-H
Judicis
Judex,
matè d
Nolite
enim ju
mensur
7.
optabi
subitur
simul J
venire
Judex
8
imo &
nem ju
qui fac
sto, ex
9.
jusque
evade
merita
facilit
qui ar
canti
tem à
Verit

versaliter cum omnibus, simul tamen cum singulis, in fine Mundi peraget idem Dominus, & Deus Homo Jesus: verum etiam præoccupare, atque illud excludere, & efficaciam ei præripere, aditumque, & jus adimere liceat.

6. Quod non inventum, neque pium aliquod Meditamentum hominum, sed ipsiusmet Dei-Hominis, ipsiusmet Veritatis; ipsiusmet Judicis assertum, & promissum est. Ipse enim Judex, & ipsa simul Veritas est, ille, qui tam affirmatè dicit: *Nolite judicare: & non judicabimini. Nolite condemnare & non condemnabini: In quo enim judicio judicaveritis, judicabimini. Et in quâ mensurâ mensi fueritis, eadem remetietur vobis.*

Luc. 6.38.

7. Quid his clariùs, quid affirmatiùs, quid optabiliùs, Judicium illud, extremè decretorium subituris, dici potuit; Quod nisi ipsa Veritas, & simul Judex diceret, vix fidem inveniret, vix invenire deberet. Et tamen qui hæc dicit, Veritas Judex est.

8. Duo ergo patent nobis Judicis placandi, imo & judicii evitandi Modi, ac Viæ. 1. Neminem judicare. 2. Neminem condemnare. Hæc qui facit, à Judicio Christi, ipso stipulatore Christo, exceptus atque exemptus est.

3. En quanta facilitas, quàm in Manibus cujusque nostrum posita est facultas declinandi, evadendique Divinum Judicium! Si humana temeritas, nolit, vel oblivisci, vel contemnere hanc facilitatem atque facultatem. Judex est ipse, qui affirmat, & promittit omni neminem judicanti, neminemque Condemnanti, immunitatem à suo judicio. Et credit hoc, confiteturque Veritatis Judicis dictum ac promissum, negligit

S 5 tamen

Handwritten notes on the right edge of the page, including the word "SICKI" and other illegible characters.

tamen, & contemnit, & insuper, ac sus deque habet, humana ingratitude, atque temeritas.

10. Quid vobis faciat ultra, aut amplius, Clementia Divina ô Mortales! Tantine vobis est rigor ille rigoriosissimus Judicii Divini, ut pluris vobis, & vestræ libidini sit, judicare proximum, censurare, condemnare, & ob id intolerabile Judicium subire, quàm abstinendo ab aliorum Judiciis ac Censuris, & interea à vestro coram Christi judicio immunes evadere, atque salutis æternæ possessionem panè gratuito adire?

11. Aut ergo negate, atque non credite Verbum Judicis Veritatis, promittentis non judicantibus alios, non Judicium suum: aut si ita lubet; in alios usurpare judicium iniquum, lubeat etiam subire judicium Dei, sine Misericordiâ severissimum.

P R A X I S.

Domine Jesu Christe, Judex Vivorum & Mortuorum à Deo Patre constitute, qui ad declinandum quantumvis indeclinabile Judicium tuum, facilem, apertamque viam nobis reliquisti, & ostendisti; si nimirum neminem proximorum nostrorum, iniquè judicare, censurare, & condemnare præsumamus. Da quæsumus nobis per gratiam, misericordiamque tuam, ita benigno, & mansueto corde, animoque semper abundare; ut proximorum nostrorum, neminem in suâ Vitâ, in factis, moribus, intentionibus, ullisque aliis circumstantiis, dijudicare, atque multo minùs condemnare, ad aliosvè proximos traducere audeamus.

EXER.

EXERCITIUM V.

*Christus Judex placandus Debitorum Con-
donatione.*

Dominus noster *JESUS Christus constitutus est à Act. 10. 42.*
Deo Judex vivorum & Mortuorum: cui
omnes Prophetae testimonium perhibent.

2. Proinde, quicumque Hominum, sese, aut
viventibus, aut mortuis accenset, idem ut se ju-
dicandis à Domino *JESU* Christo accenseat ne-
cesse est.

3. Excipit tamen Divina Judicis Christi be-
nignitas ab isto censu nonnullos, quos, nisi no-
lint ipsi, immunes esse, ac fore, à sui severitate,
periculositateque Judicii pronunciat.

4. Hujus pronuntiationis tenor, tam fami-
liaris, quàm graphicus, explicatusque est Domi-
no nostro: ut fere vix aliud quidquam suorum
documentorum, præceptorumque, crebriùs,
diligentiùs, efficaciùsque fidelibus suis suadere,
edicere, præcipere studuerit.

5. Probaturus Dominus, non se venisse, ut
solveret legem, sed potius ut perficeret, atque
impleret; demonstravit hoc variis exemplis,
præceptisque, & Consiliis constitutis: ac in his
etiam dixit, atque dixit hunc in modum; *Audi-*
stis; quia dictum est; Diliges proximum tuum, &
odio habebis inimicum tuum: Ego autem dico vobis; Mat. 5. 44.
Diligite inimicos vestros: benefacite his qui ode-
runt vos, orate pro persequentibus, ac calumnian-
tibus vos, ut sitis Filii Patris vestri, qui in caelis est.
Hic Dominus, inimicorum dilectioni atque in-
juriarum condonationi promittit sortem filio-
rum

rum

284 Ex. V. Christus Judex placandus Debitorum &c.
rum Dei. Optando utique Privilegio, atque
præmio: iis congruo; qui indolem Patris ce-
lestis referunt, Facientis solem suum oriri super
bonos & malos, &c.

6. Rursum autem eidem amori inimicorum,
atque condonationi debitorum, seu injuriarum,
offensarumque, idem Dominus noster promit-
tit vicissim dandam à Deo remissionem pecca-
torum. Sic enim nos precari Deum pro obti-
nendâ ab ipso veniâ peccatorum, seu debitorum
Mat. 6. 14. nostrorum jubet; *Dimittite nobis debita nostra:*
sicut & nos dimittimus debitoribus nostris: & addit
mox; Si enim dimiseritis hominibus peccata eorum,
dimittet & vobis Pater vester celestis delicta vestra.
Si autem non dimiseritis hominibus, nec Pater vester
dimittet vobis peccata vestra. Grande proflus
etiam hoc privilegium, atque præmium con-
donationis offensarum, atque dilectionis inimico-
rum: utpote à cujus vel præsentia, vel absen-
tia in nobis, dependere velit Pater noster cele-
stis, remissionem, vel retentionem peccatorum
nostrorum.

7. Sed addit adhuc Dominus aliquid; quo
remissionem injuriarum, & vindictæ oblivio-
nem, inimicorumque dilectionem, non minus,
quàm per suprascripta, nobis commendat. Cum
enim dixisset, *nolite judicare, & non judicabimini:*
nolite condemnare, & non condemnabimini: sta-
tim subjecit; *Dimittite & dimittimini: date &*
dabitur vobis: quod idem est, ac dicere: Dimit-
tite hominibus, & dimittimini à Deo: date ve-
niam hominibus, & dabitur vobis venia à Deo:
eadem quippe mensurâ, quâ mensi fueritis, remetie-
tur vobis: quin imo mensuram bonam, confertur,
& co-

Et coagitatam, Et supereffluentem dabunt in sinum vestrum.

8. Ex his omnibus clarè sequitur; condonationem offensarum, depositionem vindictarum, dilectionem inimicorum, atque persecutorum, esse præsentissimum efficacissimumque medium emolliendi severissimum judicium, quinimò & evadendi illud ipsum, atque placabilem, & benignum reddendi etiam judicem ipsum Christum. Impossibile est enim non stare firmam ejus promissionem; *Dimittite, Et dimittimini.*

9. Quicumque ergo judicem Christum, ejusque judicii severitatem timemus: ac sanè omnes meritò, ac etiam plusquam meritò timere debemus; (*in multis enim offendimus, & judicem nostrum exasperavimus omnes:*) apprehendamus hanc Domini judicisque ipsius sententiam. Dimittamus ex corde debitoribus nostris debita eorum singula atque omnia: ut etiam judex noster dimittat nobis debita nostra, pariter singula & omnia: ut possimus fidenter judici nostro dicere: *Fecimus Domine quod jussisti, fac & tu quod ex pietate tuâ promissisti.*

Jac. 3. 6.

P R A X I S.

Domine Jesu Christe, judex vivorum atque mortuorum in futuro, pacis autem, Et charitatis amator, Et custos in presenti: da omnibus inimicis nostris, pro quibus tuam deprecamur clementiam, Et quibus omnem propter te condonamus ex cordibus nostris offensam, pacem, charitatemque veram: Et tam illis, quam nobis, cunctorum remissionem tribue peccatorum: nosque ab eorum insidiis potenter eripe: Et in tui formidabilis judicii die, nostri misericor-

Handwritten notes on the right edge of the page, including the word "SICKI" and other illegible characters.

286 Exerc. VI. Christus Judex placandus voluntariâ
cordissimâ tuâ pietate miserere. Qui vivis & re-
gnas cum Deo Patre in unitate Spiritus S. Deus &c.

EXERCITIUM VI.

*Christus Judex placandus voluntariâ expi-
tione peccatorum.*

Act. 10. 42. **D**ominus noster JESUS CHRISTUS constitutus est à
DEO, judex vivorum & mortuorum, cui om-
nes Propheta testimonium perhibent.

2. In hoc judicio suo Dominus ac Judex no-
ster, reddet unicuique secundum opera sua, quæ
gessit in corpore isto: seu in hujus vitæ mortalis
decurfu.

Pf. 17. 28. 3. In hujus judicii die tribulabitur omnis
fortis: omnis oculus superbus humiliabitur, omne
consilium à sapiente recedet, & omnis gloria glo-
1. Macc. 2. 62. riosi viri erit quasi stercus, & omnis cythara, &
tibia, & canticum voluptatis vertetur in luctum,
& mærorem, & tristitiam. Tunc quantum quis-
Apoc. 18. 7. que glorificavit se in deliciis, tantum dabunt eitor-
mentum & luctum. Sed super ista omnia, hor-
ribilis erit tum, vultus unus Judicis Dei, atque in-
enarrabilis, intolerabilisque forma, & rigor exa-
minis, ac judicii ejus.

4. Tunc omnis pax, & spes, & fiducia, &
consolatio, recedet ab impiis quibuscunque:
Luc. 23. 30. tunc clamabunt montibus, cadite super nos, & col-
libus operite nos: si quomodo effugiant à facie
iræ Agni. Tunc justus vix salvabitur: vix opera
plena, opera salutis, opera approbationis inve-
1. Pet. 4. 18. nientur in eo: impius autem & peccator ubi qua-
so erunt, aut ubi parebunt? Tunc Judex atque
simul vindex Deus justitias judicabit: & cola-
bit

bit justos, sicut colari solet aurum: scrutabitur in lucernis etiam Hierusalem: & quid cum Babylone fiet? *Mal. 3. 2.*

5. Et quid multa? Horrendum est incidere in manus Dei viventis, Dei omnia cernentis, Dei omnia scrutantis, Dei ex omnibus rationem exigentis, Dei omnia dijudicantis, Dei extremum super omnia, singulaque Decretum ferentis, atque statuentis. Decretum quod nunquam immutabitur, decretum cui nemo refragabitur, decretum cujus executrix erit justitia æternum vindicans. *Hebr. 10. 31.*

6. Et estne aliquod homini misero hac in Vita (nam in futurâ est nullum) vel subsidium, vel solatium? Est utique: neque enim Deus, noster, cujus natura bonitas, & qui non gaudet super perditione nostrâ: reliquit nos absque misericordiâ suâ, dummodo illa apud homines non sit in neglectu, & non corrumpatur cordis illorum durtiâ, & impœnitentiâ,

7. Verbo; *Faciamus fructûs dignos pœnitentiæ*, & voluntaria corporum animorumque nostrorum castigatione nostras iniquitates cohibeamus, restringamusque: ut simul etiam iram venturam judicis nostri restringamus, & punitione punitionem prævertamus. DEUS enim noster non punit bis in idipsum, & non prodit ab illo duplex vindicta, aut tribulatio. Quare quidquid ille invenerit à nobis in nobis discussum, dijudicatum, reprehensum, condemnatum, castigatum, punitumque: super hoc non amplius adducet vindictam suam, neque consurget ab eo duplex tribulatio. *Luc. 3. 8.*

8. Ita suadebat olim Deus per Prophetas: *Nab. 1. 9.*
suadet

Handwritten notes on the right edge of the page, including the word "DRUX" and other illegible characters.

288 Exerc. VI. *Christus Judex placandus voluntaria*
suadet nunc quoque per servos suos: ut nimirum omnes ubique p̄nitentiam agant, & à superventurâ irâ fugiant: & convertantur ad Dominum DEUM suum, à viis suis pessimis, in jejuniis, & vigiliis, & planctu: in amaritudine, in cinere, in cilicio, & sacco: in lachrymis, & fletu, & contrito, atque humiliato corde: in patientiâ, in castitate, in sobrietate, & orationibus, atque postulationibus, in gemitu, & clamore cordis, & prostratione atque humiliatione multâ coram DEO.

9. Sic faciebat David: qui lachrymas suas faciebat sibi panem diebus, atque noctibus, qui potum suum cum fletu miscebat: *cujus genas infirmata sunt ab jejunio: qui cinerem tanquam panem manducabat: qui singulas per noctes lachrymas suis rigavit & lavit lectum suum.*

Pf. 108. 24.
Pf. 101. 10.
Psal. 6. 7.

10. Sic faciebat & Paulus: *cujus illa est de semetipso confessio, simul autem & nostra ipso instructio: ait ergo: Nihil mihi conscius sum, sed non in hoc justificatus sum: qui enim judicat me, Dominus est. Ego igitur sic curro, non quasi incertum; sic pugno non quasi aërem verberans: sed castigo corpus meum, & in servitatem redigo, ne forte cum aliis prædicavero, ipse reprobus efficiam.* Sic, universim loquendo, fecere omnes quot serîo salvi esse voluerunt: qui ex hac vita quoad prævalebant, exire sine omni obligatione tam culpæ quàm poenæ coram Deo suo ad judicium ejusdem migrare studuerunt.

11. Itidem & nos; quicumque salvari, & judicium misericors, atque mitius sustinere potest, mortem volumus, *Mortificationem Domini nostri Jesu Christi, tam in corporibus, quàm in Anima-*

2. Cor. 4. 10.

bus nostris jugiter *circumferamus*. Sive tribulamur à Deo ipso ita volente; sive à creaturâ quacunq[ue], Deo permittente; omnia sustineamus: non tantum patienter, & æquanimiter, sed etiam hilariter, atque gaudenter. Subeamus insuper ipsi voluntarias afflictiones tum corporis & membrorum, tum Animæ & concupiscen-
tiarum atque passionum ejus: ut mortificatos nos inveniens Judex noster, non inveniatur in nobis quod vindicet, ac puniat; inveniatur autem quod condonet, atque coronet; siquidem patientia & pœnitentia opus perfectum habet: est-
que edictum Domini; ut in patientiâ nostrâ possideamus Animas nostras.

Jac. 1. 4.
Luc. 21. 19.

P R A X I S.

Domine JESU Christe, juste ac supreme Judex, omnisque ultionis Domine, te ego minimus servorum, ac maximus debitorum, reorumque tuorum servus; oro, atque obsecro, ut facias mihi donum pi-
ssimæ remissionis, ante diem strictissimæ rationis. Propter hoc enim, & castigo corpus meum, & in-
servitutum redigo animam meam, mortifico membra mea quæ sunt super terram, & animam meam in manibus meis semper custodio, subjicio etiam me-
paternis flagellis tuis, & non minus mala quam bona, gratanter suscipio de manibus tuis, ut hic ad ple-
nam castigentur, expienturque peccata mea, castifeturque cor meum & nihil inveniatur in me Vindex
ira tua, quod jure severitatis suæ puniat: inveniatur vero misericordissima Bonitas tua, quod clementer
abstergat, & liberaliter remuneret. Placet Domini, placet hic uri, hic secari, hic expiari, hic emundari,
ut tibi parcas, in æternum absolvas, in æternum salves.

V.P. Druz. Op. V.

T

EX-

Handwritten notes on the right edge of the page, including the name "Druz" and other illegible scribbles.

hados autem à sinistris. Tunc dicet Rex his qui à dextris ejus erunt: Venite benedicti Patris mei, possidete paratum vobis Regnum, à constitutione Mundi. Esurivi enim & dedistis mihi manducare &c. Amen dico vobis, quamdiu fecistis uni ex his minimis fratribus meis, mihi fecistis. Tunc dicet & his, quæ à sinistris erunt; Discedite à me maledicti in ignem æternum, qui paratus est Diabolo & angelis ejus. Esurivi enim, & non dedistis mihi manducare, &c. Amen dico vobis, quandiu non fecistis uni de minoribus his, nec mihi fecistis. Et ibunt hi in supplicium æternum: justi autem in vitam æternam.

§. Hic Dominus Imaginem Judicii sui planè exposuit omnibus intuendam: exposuit etiam Judicii formam, & decursum: exposuit insuper & ejus clausulam: sed quod maximè attendendum est, exposuit causam Misericordis & Implacabilis Judicii sui, videlicet, exercita, vel neglecta, in egenos opera Misericordiæ. Et indicavit verissimè dictum esse illud suum; Verùm tamen, quod superest, date Eleemosynam, & ecce omnia munda sunt vobis. Itemque illud; Judicium sine misericordia ei, qui non fecerit misericordiam.

6. Ne quis autem Pauperes Christi Voluntarios, quos Religiosos dicimus putet exclusos esse ab hac fortunâ Misericordium à Domino indicatâ: sciendum est, non tantum exclusos non esse, sed in tantum securos esse de benignitate Judicis Christi erga se: ut etiam suprâ omnem sortem, futuri sint assessores Judicis, atque simul cum eo reliquorum futuros esse Judices. Sic enim ipse Dominus, tum affirmavit, tum promissit, dicens his, qui propter se omnibus relictis,

T 2

ipsum

Handwritten notes on the right edge of the page, including the word "SICKI" and other illegible characters.

LUC. II. 41.

Mat. 19. 28. ipsum secuti fuerant; Amen dico vobis, quod vos, qui reliquistis omnia, & secuti estis me, in regeneratione, cum sederit Filius Hominis in sede Majestatis suae, sedebitis & vos, super sedes duodecim, judicantes duodecim tribus Israel. Quis satis aestimet hanc felicitatem Pauperum Christi: qui in Judicio Christi, non solum ipsi de seipsis securi, verum etiam Assessores judicantis & aliorum reliquorum Judices sunt futuri?

7. At hoc si cui arduum videtur, relinquere scilicet omnia propter Christum, & sic nudatum omnibus sequi Christum; apprehendat saltem misericordiam, & exerceat opera ejus quantum potest: ut veniat super eum illa Dominica beatitudo; *Beati Misericordes, quoniam & ipsi misericordiam consequentur.* Et illa etiam Davidica:

Mat. 5. 7. *Beati Misericordes, quoniam & ipsi misericordiam consequentur.* Et illa etiam Davidica:

Pf. 40. 2. *Beatus, qui intelligit super egenum, & pauperum; in die mala liberabit eum Dominus.*

P R A X I S.

Domine Jesu Christe: qui de Caelis ad terram, de sinu Patris, misericordiam deducente descendisti; & Sanguinem tuum pretiosum, in remissionem peccatorum nostrorum sudisti: nobisque per amorem, ac frequentationem operum Misericordiam, in Nomine tuo exercitorum, accessum ad Misericordiam tuam patere fecisti; & insuper omnibus his, qui relictis suis omnibus, te pauperem pauperes secuti essent, confessum tecum in Judicio tuo promissisti; te humiliter deprecamur, ut in die Judicii tui, ad dexteram tuam audire mereamur, venite Benedicti: Qui vivis, &c.

LITA.

LITANIA

Seu

CORONA

Ad Christum D. Judicem placandum.

Kyrie eleison. Christe eleison.

Kyrie eleison.

Christe Judex audi nos. Christe Judex exaudi nos.

Pater Judicis nostri Deus. *Miserere.*

Fili Judex mundi Deus.

Spiritus sancte Judicis nostri, Deus.

Sancta Trinitas, in Christo Judex Mundi, unus Deus.

Iesu Judex vivorum & mortuorum.

Iesu constitute à Deo Judex omnium.

Iesu in quo statuit Deus judicare mundum.

Iesu venture ad Judicium nostrum in nubibus caeli.

Iesu venture ad Judicium cum virtute, & potestate.

Iesu venture ad Judicium cum Angelis sanctis.

Iesu venture ad Judicium cum gloriâ, & Majestate.

Iesu qui resuscitare Judicandos, mittes Angelos cum tubâ.

Iesu ad cujus Judicium congregabuntur omnes gentes. *Miserere nobis.*

Iesu ad cujus tribunal omnes nos manifestari oportet.

Iesu à cujus judicantis facie, fugiet terra, & caelum.

T 3

Iesu

Handwritten notes in the right margin, including "DRUX", "BICKI", and various numbers and symbols.

LITA-

IESU à cuius vultu, impii volent montibus & collibus obrui.

IESU qui in tuo Iudicio separabis Oves ab Hædis,

IESU cui ad Iudicium venienti, Electorum selecti, rapiuntur obviam in Aëra.

IESU cui iudicanti assidebunt iudicantes, qui propter te omnia reliquerunt.

IESU qui in tuo Iudicio manifestabis consilia cordium.

IESU qui in Iudicio tuo illuminabis abscondita tenebrarum.

IESU cui omne Iudicium dedit Pater.

IESU cui iudici, de omni verbo otioso reddent homines rationem.

IESU qui accepto tempore iustitias iudicabis.

Miserere nobis.

IESU qui scrutaberis in lucernis iudicii tui, etiam Ierusalem.

IESU quem Iudicem videbunt illi, qui te confiterunt.

IESU qui in iudicio tuo reddes omnibus prout quisque gessit.

IESU qui Iudicium recipies, ideo, quia causa tua velut impii iudicata est.

IESU in cuius iudicio, iustus vix salvabitur, impius autem ubi parebit?

IESU qui in iudicio electis dices: Venite benedicti.

IESU qui in iudicio, reprobis dices: Discedite maledicti.

IESU qui spiritu oris tui, interficies impios morte secunda.

IESU qui contra impios armabis omnem creaturam,

IESU pr
infern

IESU qu

IESU qu

IESU qu

ctus

aterr

In die Ju

In die Ju

In die Ju

Christe

di no

Kyrie e

Kyrie e

Domine

Quia no

viver

Domine

Et clam

Domine

Et cum

Domi

dic

vorum &

distribut

secundum

num, sive

hominum

cordiam

quam J

vibi ple

IESU

S

op

T

N

L

IESu pro quo pugnabit omnis creatura contra
insensatos.

IESu qui claudes abyssum inferni cum damnatis.

IESu qui electos tuos introduces in cælum.

IESu qui Patri tuo trades Regnum, & illi subje-
ctus eris cum Beatis omnibus in perpetuas
aternitates.

In die Iudicii tui: Parce nobis IESu.

In die Iudicii tui: Libera nos IESu.

In die Iudicii: Miserere nobis IESu.

Christe Iudex audi nos. Christe Iudex exau-
di nos.

Kyrie eleison. Christe eleison.

Kyrie eleison.

Pater noster, Ave Maria.

Domine non intres in iudicium cum seruo tuo.

Quia non justificabitur in conspectu tuo omnis
vivens.

Domine exaudi orationem meam:

Et clamor meus ad te veniat.

Dominus vobiscum:

Et cum spiritu tuo.

O R E M U S.


Domine IESu Christe, Fili Dei vivi, cui omne ju-
dicium dedit Pater in manus: ut sis Iudex vi-
vorum & mortuorum, & discretor meritorum, &
distributor tam præmiorum, quam suppliciorum:
secundum hoc, quod quisque gessit in corpore, sive bo-
num, sive malum. Te ego vilissimus vermiculus, &
hominum postremus, supplex oro: tuam ut miseri-
cordiam mihi nunquam clausam esse velis, sed ante-
quam Iudicii mei apud te hora adveniat, tribuas
mihi plenam indulgentiam, omnium tam culpæ, quam

T 4

pene

Handwritten notes in the right margin, including "DRUX", "SILKI", "II", "V", and "7".

pana obligationum: propter omnium Sanctorum tuorum, & propter pretiosissimæ Parentis tuæ intercessionem ac merita; propterque tuam amarissimam Passionem, Crucem, & Mortem pro me, à te toleratam. Ut sic in hora iudicii, te placatum, benignum, misericordemque experiens, consortio electorum tuorum aggregatus, tecum ingrediar ad possidendum Beatitudinis regnum æternum. In quo Tu, cum Patre, & Spiritu Sancto, vivis, & regnas, in Trinitate Deus, per omnia secula seculorum Amen.



EXERCITIORUM

PARS X.

Erga DEI Matrem Virgine nem MARIAM.

EXERCITIUM I.

*De P. Parentis cum DEO arctissimâ
coniunctione.*

1. **S**tatue te coram Pretiosissimâ Parente Virgine MARIA.
2. Expende, quàm arctis sit vinculis illigata affinitatis, & consanguinitatis, cum divinissima Trinitate. Est enim Filia Patris æterni: est Mater Filii Dei: est Sponsa Spiritus Sancti: est templum Sanctissimæ Trinitatis.

3. Est